

طلعة نهار

محمد كليب

شعر عاميه

تقديم

د. يسري العزب

الطبعة الأولى

الكتاب : طلعة نهار

المؤلف : محمد كليب

تصنيف الكتاب : شعر

تصميم الغلاف : محمد جمال

إخراج : أحمد عبد الحليم

المقاس ٢٠ × ١٤

رقم الإيداع : ٢٠١٥ / ١٧٤٥٩

الترقيم الدولي : 0 - 100 - 776 - 977 - 978

التجهيزات الفنية والطباعة

دار يسطرون

للطباعة والنشر والتوزيع

طباعة وتوزيع الكتب في جميع أنحاء العالم

المكتبة والمطبعة : ٣ ش صفوت - محطة المطبعة

شارع الملك فيصل - الجيزة

جمهورية مصر العربية

٠١١٥٧٧٦٠٠٥٢ - ٠١٢٢٩٣٠٠٠٢٩

مدير الإنتاج : أحمد عبد الحليم

رئيس مجلس الإدارة : عماد سالم

جميع الحقوق محفوظة

الإهداء

إلى والديّ (رحمهما الله)
اللذين غرسا في حب مصر
فكان الثمر فواحاً بهذا الحب ...

طلعة نهار

تقديم د. يسري العزب

(طلعة نهار) عنوان جميل .. من شاعر يسعى لتحقيق الأمل الشعبي العظيم وهو استحضار المستقبل الأكثر إشراقاً لوطن أشد استحقاقاً .. بذل الكثير من التضحيات في تاريخه لتبقى (مصر) كنانة الله في الأرض .. وليبقى شعبها خير أجناد الأرض :

تحيا مصر ما حدث ثاني

قالها الرئيس كده بحماس

فيضان إحساس

تتكرر هذه الكلمة التميمة كثيراً في قصائد الديوان وفي عناوينها فليس أعز على الشاعر « محمد كليب » منها .. يحملها معه أينما حل ..

انت فين وانا فين ؟

دا اللي بيننا سنين سنين

وشك كان يملا الدنيا علي

حب وزقزقة

(طلعة نهار) بداية جديدة جيدة لشاعر .. أخ وصديق .. يحب
وطنه إلى درجة العشق ..

يعيش فيه راضياً مرضياً مكافحاً حتى يبقى الوطن حراً مستقلاً
وتبقى مصر كما كانت (أم الدنيا) وزينة العالم .

تحية للشاعر / محمد كُليب

وترقباً لكل جديد يقدمه للشعر.

د . يسري العزب

٢٣ / ٦ / ٢٠١٥

تحيا مصر

تحيا مصر .. ماحدثش تاني »

قالها الريس كده بحماس

فيضان إحساس ..

والدنيا بحالها ماهيش سايعاني

أيوه يا ريس

تحيا مصر

إحنا دراعها ..

واحنا أمانها ..

ولها حراس ..

تحيا مصر

هنلحنها .. وندندنها

ونغنيها فى الأعراس

تحيا مصر

حب يعيش دايماً جوانا

حب أمانة

نعيش نفيديها .. نموت نفيديها

ولا نخليها

تطاطي الراس

تحيا مصر

نعظيم سلام لجيشنا

تعظيم سلام
لجيشنا عالي المقام
زئير أسود
صاعقة ومُشاة
عنا يذود
يحرس حدود
يُضرب طُغاة
سَحرة ودُهاة
خونة .. ودُعاة
بمال وجاه
والخير جواهرهم .. وأسفاه!
دواعش واخوان
خونة .. وِخوان
لجز الروس يكبروا : الله!
* * *

تعظيم سلام
لجيشنا عالي المقام
ثبات .. نظام
والدنيا كلها عارفاه
ونبينا سماه
" خير أجناد الأرض "
يحمي الأرض والعرض
وع الشهادة .. أقسم
دي سنته والفرض

أحلامنا ممكنة

انت .. وهي وهو .. وانا

يا كلنا

قوموا بهمة للعمل

نبني مصرنا

كفانا نوم وكسل

ثلاثين سنة ..

حي على العمل .. دا أمر ربنا

مصانعنا تدور

وننسج غزلنا ..

ضربة فاس ورا فاس

الخضرة تعمنا

والرزق لاوладنا من بعدنا

ليه نستنى العالم

يحقننا فدمننا!

وأمرضنا تبقى مُزمنة!

★ ★ ★

يا كل أهلنا

حي على العمل

ونبدأ من هنا

من مصر الآمنة

دنيانا تبقى وردي

وندعم جدرنا!

والراية ترفرف

بالفرح والمنى

★ ★ ★

يا كل أهلنا

قوموا نعلي في البنا

ومن هنا

من مصر الآمنة

هنكتب سطرنا!

أحلامنا ممكنة

بلدنا مجروحة

دي بلدنا مجروحة

والجرح غويط

بلاش ننكش جرحها

ويوصل سمانا

النواح والصويت

مين غيرها لينا؟

عشان نقسم وسطها

نتزوق فى المراية

ونحاضر فى الإذاعة

وننظر ببراءة

مع أو ضد

دا يهتف .. ودا يشد

ودا من تحت الحزام

يقبض باليد!

كفاية بقى حرارام

دي لعبة مفضوحة

★ ★ ★

بلدنا مجروحة
ياالله قوموا سوا معاي
ناخدها ف حضننا
نطبطب على جبينها
ونشد ضهرها
ياالله نسارع لعملنا
ياالله نساعد عمالنا
ياالله نتبرع بجلالنا
ياالله نبني .. ما نهد
وبلاش مطالبنا تزود عجزها!
ياالله نداوي جرحها
والفرقة مُش مسموحة
احنا رهانها وأمانها
ياالله نعمر بُنيانها
حياتنا تبقى ف بجبوحة
وطوبه فوق طوبه
نجعلها جنة ربنا

يا مصر .. بنحك

يا مصر بنحك

مهما كان الحمل عسير

بغناك أو فقرك

بسمومك وبهمومك

بنحك

بدون تفسير

★ ★ ★

نيلك .. أهراماتك

أبو هولك .. حارس كنوزك

غفير ، وياأمير

قلعة كباشك .. نفرتيتي

أحمس .. تحتمس .. ورمسيسك

رمز لحضارة خطير

كنوز غالية علينا

وليها عندنا تقدير

★ ★ ★

يا مصر ..

مساجدك .. كنايسك .. معابدك

دور عبادة .. وليها عندنا تبجيل

فيها نغسل همومنا!

وندعي رب غفور

★ ★ ★

قومي يا مصر

أحضني اولادك

وللمي الأحران

مسيحي ويا مسلم

وأرضنا السمرا

تاخذنا فى الأكفان

★ ★ ★

يا مصر .. والله بنحبك

وبدون تفسير

وحبك فى قلوبنا

الأول والأخير

يا مصر ..

انتِ قبلتنا ومَرسانا

منجانا .. منجانا

واحنا بيكِ راضيين

★ ★ ★

يا خلق يا هووه

أنا لفيت .. ودورت سنين

وانتِ جوه قلبي

شجن وحنين

يا مصر ..

فى كل أحوالك
هواك كله عبير
أحاسيسي .. وأحلامي .. وأحزاني
خلفي وقدامي
أدهسها بأقدامي
وارفع سلاح الفخر
فى وجه كل مُغير

★ ★ ★

يا مصر .. يا مُهرتي
شبكتك عمري !
و العمر ما يكفي
ولا يوفي ..

دماي تسقيك
قطرة ورا قطرة
وتنوري خضرة

★ ★ ★

يا مصر ..
عروقي .. شراييني
شربنا من أرضك السمرا
ومن نخل سيناك
أبو قمم عالية
والعهد كان تحرير!

★ ★ ★

يا مصر .. هامتك

أعلى من هامتي
وهامات ملايينك
انتِ القامة .. والشامة
انتِ الفخر والعزوة
ويوم ما بنفخر
بيكون عنواننا عنوانك !
وأسماءنا من أرضك
ومن طينك
* * *
يا مصر .. انتِ
قبلتنا .. منجانا
مرسانا .. منقانا
واحنا بيكِ راضيين
واسمك الطاهر
وبوحي من ربنا القادر
كلمة ترددها مسا وصباح
ألوف ورا ملايين
« ادخلوها آمنين »

مصر أهم

مصر أهم

مني ومنك

من أحلامنا .. وكل همومنا

هي الحزن .. وهي الأم

★ ★ ★

مصر ما بتعرف خيانة

حافضة دايماً للأمانة!

واحنا فينا الانتهازي

والوصولي .. والمرازي

العيون فارغة وجعانة

مجهزين ليها الإذانة!

متغلفة فوق اللبانة بابتسامة

يقتلوها بالإهانة

ويقبلوا فيها التعازي!

★ ★ ★

مصر أهم

يا عملا فى سوق النخاسة

يا دُعاة الطهر .. والقداسة

مصر لو دبلت وشاقت

دروبنا اتفرقت فيها .. وتاهت

وتبقى حياتنا هم

ماهي الحضن .. وهي الأم

★ ★ ★

مصر أهم

وتاريخها ف محنة

ورايته ف إحنا!

يا الله نعمرها ونهتهم

مصرنا تقوى

وخيرها يعم

هي الحضن وهي الأم

شہیدنا عارف سکنہ

ما تسألوش الشهيد

كان اسمه إيه!

وازاي؟ وليه؟

عيسى أو محمد

لقوا العلم حوالية

دا شهيدنا بيغدينا

بروحه وعينيه

شهيدنا عارف سكته

طب شوفوا طلته

شوفوا بسمته

افرحوا له .. زغرطوا له

وحياة أغلى ما عندكو

وحياته عندكو

ما تبكوا عليه

دا بيشفع لسبعين

من أحبابه

وينادي على أصحابه!

★ ★ ★

شهيدنا عارف سكته

طب شوفوا طلته

شوفوا بسمته

والسما تزدان بالضي

فرحانة بوجه شهيدنا الحي!

وملايكة ربنا

صفوف واقفة له

ترحب بيه .. هنياله!

يبقى مانبكيش عليه

شهيدنا عارف سكته!

إوعاكِ يا أم الدنيا

إوعاكِ يا أم الدنيا
إوعى تروحي فد شربة ميه
أولاد جهال وصبية
عيال سريحة بسبارس
هجرُوا فصول المدارس!
عاشوا فد زمن المخلوع
ماتوا فقر وجوع
فرعون سلطة دموية!
والهانم أم الباشا
ميت ألف مصيبة ورزية
دهسوكِ يا أم الدنيا ..
إوعاكِ تضيعي بإشارة
شباب غرزة وخمارة
سحنة ماهياش مصرية
شايلين مولوتوف وحجارة..
طول عمرك حلوة ومنارة
إوعاكِ تضيعي بسيجارة

يرميها فتوات الحارة
يحرقوا تواريخ أثرية
فلكي أوقصر دوبارة
ومعالم تتمحي م الخارطة
يا خسارة وألف خسارة
آخرتها تبقي مطية
لوشوش محفلة وردية
تحبك حواديت ملاغية
شياطين .. وفلول فراعين!
دولارات ملايين!
قاعدين يقطعوا فى وريديك
وشاشات كلها مأجورة
والناس عايشة مذعورة
خايفة الأيام الجاية

★ ★ ★

إوعاك يا أم الدينا
إوعاك تبقي هفية
ثوارك نخبة فتية
ودماهم طاهرة زكية
ومهرك مهر الحرية!

إرهابي

إرهابي

بلحية وسبحة وجلباب

وزبيبة فوش المغضوب!

صورة دشنها الإرهاب

شوه ديننا المحبوب

إرهابي

وا أسفاه!

ع الإسلام محسوب

يروى أحاديث وآيات

جاهل بعلوم الدين

ويفسر بالشقلوب

وفق هواه المعطوب!

ع النبي كذاب وكذوب

أبدأ عمره ما بيتوب

ولو بالبلغة سفخته

ولا بميت مركوب!

★ ★ ★

إرهابي

بوجه قبيح

ودماغه مسطح تسطيح

أعمى ومأجور بالمال

دباح .. سفاح

بيفجر عساكرنا الأبطال

بيفجر أغلى رجال!

وآخرتها ع النار ينزاح

أمي وحشني

أمي

مشتاق دمة عينيك

مشتاق لمسة إيديك

بالمداعبة والملاعبة

مشتاق صرختك في

مشتاق حنيتك

في الفرح ترقيني

وتقولي " شاطر "

ما أحلاك يا جبر الخواطر

في الحزن تواسيني

وبحضنك تدفيني

★ ★ ★

أمي

من بعد فراقك

جفت الحنية

والقمر " بدر التمام "

ما بقاش يشبه حد تاني

وهمومي فوقاني تحتاني

دقت على بابي

ما فارقتش عنواني

★ ★ ★

أمي

ما يغركيش ضحكتي

دي ضحكة مكسورة

ملفوفة بدمعتي

ضحكة كدابة

تملا وش الغلابة

بيسموها " كدبة بيضا "

زي حاجات كتير

ما شفتيهاش .. وما تعرفيهاش

بيسموها " موضة "

فاكرة يامة

اللمة ع الطبلية فى الأوضة

ونقعد نستنى بعضينا

والعيشة ما كانتش سودا

مع قلة القرش الحلال ..

أيوه تعبانين .. شقيانين

لكن علمتينا
نسمي وناكل باليمين
ونبوس الإيدين
ونحمد رب العالمين
دي الوقت يامه
الطبلية بدلناها
بسفرة ضخمة بكراسي
واليمين زي الشمال
والكبير مش ع البال!
والأكل ما بقاش " محاشي "
دي الوقت كله " دليفري " و تيكواي "
وأهو كله ماشي
أكل براني .. أمريكياني
والهم ليله طال!
والأهه مالية أنفاسي
* * *
أمي وحشتيني
ياااه يامه
كبرت وشابت سنيني
والموت قرب يجييني

والدمعة والآهة

تملا العين

على فراق حبيبين

أبويَ بعد أُمي

والهم شاريني

متعبي ف كمي

ويا ما أحباب

بعدك راحوا

وانت جوه القلب

نوره وبراحه

★ ★ ★

أُمي يا ست الحبايب

دنيانا توهة ومصايب

مليون حَقك علي

سنة بحالها

عن ذكراكِ غايب

سامحيني يا نور عيني

أُمي وحشتيني

ثلاثين سنة .. عمري أنا

بذرة اتغرست
فى أرض مصر المنى
اتفتحت أحلامها
بالسعادة والهنا
وعش يضم حُبنا ..
لَفحتها رياح
ظالمة مؤلمة
ارتوت بمية العكنة!
والمحصول ملايين أفدنة ..
فقر و جهالة و مرض
والولد عمره انحنى
وقمرنا عَجْز .. شاخ
صابه العما!

ومصر الملهمة

صبحت كسور .. متهشمة

واشرب يا وطن

من سم الخيانة كاسات

طبل .. وزمر .. ودندنة!

● ثلاثين سنة هي فترة حكم الرئيس المخلوع محمد حسني مبارك

ليلة

ليلة الدنيا فيها
فرحتني .. حزمتني
رقصتني
ورقصت قبالي
ليلة عطررتني بحلم
البنات العذارى
ليلة ظل فيها القمر
من شباك حارتنا
بت انا والقمر
فيها سهارى..
ليلة تُهت فيها!
جملتني بطوق م الورد
شربتني عصير السعد
جاوبتني عيونك
بأجمل رد ..

رسمتك بدر فى مرايتي

حفرت ملامحك

وشم فـ عبايتي

غرسك بذرة

فى حكايتي

★ ★ ★

ليلة من أحلى الليالي

دُبت فيها م الهوا

وقلبي برؤياك ارتوى

ليلة ما اعرفش إيه فيها

جرى لي

يا قمر ساكن قُبالي

إنّ شراعي ومركبي

فاكرة إنك تقدرني تبعدني

طب حاولي وجربي

هتلاقي إنك أكثر بتقربي

ليه عايزة تهربي

وتتألّي وتتعبدي

فاكرة إنك تقدرني تبعدني

والا بتحاولي مع نفسك تعندي

الحب قرب وبُعاد

عشق ووداد

لكن مافيهوش عناد

يمكن يطول ليل الشهاد

يمكن تصيبنا عين الحساد

لكن أوعاك

من كاس اليأس تشربي

وتقولي إنك هتترهبي!

★ ★ ★

حبنا هوَ نَسمةَ هوانا

هوَ حلمنا وأغلى مُنانا

ما تفكريش مين ضدنا

أومين معانا

يا الله تعالي .. وقربي

دا انتِ شراعي ومركبي

الهوى غراب

بُعادنا شيء مستحيل

زي شمس ف ليل

زي مسافر من غير دليل

زي تمر من غير نخيل

ودا طبعاُ شيء مستحيل

★ ★ ★

يا حياتي ..

هنعيش بحب وبألم

أحسن م العدم

زي نبع مية بيتردم

جفت فيه الحياة

★ ★ ★

يا حياتي ..

حاولت قبلك ما قدرتش

نوم وما نمتش

ومن شوقي ليك ما سلمتش

يبقى ليه نجري ورا العذاب

خلينا طايرين ع السحاب

يا حياتي ..

صدقيني .. براحة البال بتتوهمي

صدقيني .. راح تتألي

أوعاك .. أوعاك تسلمي

وبالهجران تحكمي ..

ياالله بهوانا اتنسمي

دا بعادنا شيء مستحيل

يبقى ليه نجري ورا العذاب

وقلبك رقيق بالحب داب

وفى العشق قالوا

" الهوى غلاب "

عفاريت الأسفلت

المهنة سواقعة .. تخصص حداقة

إلا ما ندر

يمكن بشر .. يمكن حجر .. ويمكن عجر

لكنهم ما هُماش براءة

حياتهم سفر .. وليهم سهر

شعارهم

رجولة وكفاءة

نزاهة ورواقعة

وأنفاسنا سَفْر

يسابقوا الريح .. ويتخطوا الحذر

والريح منهم تناجي القدر!

وصوت يصيح

يا ابني

راكبين صفيح

مسمار يطيح

إطار ينفجر

عفريتنا ينشع بذاءة

ويطق فى عينيه الشرر

فجأة .. نسمع فحيح

آلاف شهيد .. آلاف جريح!

حديد يسيح .. دماء تسيح

رقاب تطيح .. دراع طريح

هسيس نويح " دمانا هذر "

وبالبنط العريض

نعوشنا ف خير!

بكرة أحلى م النهاردة

بكرة جاي يزرع لنا

بذرة أمل

نحييها بالعمل ..

بكرة ينور مصرنا

وترسنا يمشي لأمام

يصنع لنا لبس وطعام

الضحكة تكبرع الشفايف

والوش ده بدر التمام

★ ★ ★

بكرة جاي

من غير سلاسل

تقيد عمرنا ..

لا عقل سارح

ولا فكر شاطح ..

في حوارى مُعتمة

★ ★ ★

بكره الصبايا الملاح
دنياهم تبقى براح
دنيانا تبقى مزهزة
وحياتنا تبقى منجحة
بكرة جاي بنوره ساطع
والقمر فيه سره باتع
بكرة بتاعنا .. ملكنا
من عزمنا
نسقيه من دمنا
يزهر أحلى وردة
تسعد مصرنا
ومن تاني مصر المهمة
تنور السما

عَلَمَكَ شَمْسُ الْحَرِيَّةِ

امسك قلمك
وانسى الآمك
وارسم علمك ..
تلاقيها تهون
طول عمرك مرهون!
ييجي كام مليون
ديونك وديون أسيادك
وهتورثها لأحفادك!
وأهي ماشية يا سيدي
ما الهم طايلك وطايلني
مغروز في صدرك ووريدي
علمك بسعاده وعلعته
حرباية في عيون الخصم
علمك للفخر وللرسم
واوعاك تغير في ملامحه
أو تنسى حبة رملاية
تاريخها قصة وحكاية
أبطالها عساكر مصرية
راحوا شهدا الحرية
جيل ورا جيل
نستلم الراية

والعمر مديد

ما له نهاية !

★ ★ ★

علمك

انقشه على وجهك وجبينك

دا فخرك عزك .. ما يهينك!

واوعاك تخفيه أو تطويه

زعلان من أيامه ولياليه

دي الأيام الحلوة آهي جاية

بس انت ارسم

واتنسم بنسيم الحرية

★ ★ ★

علمك

دا قطعة أرض

حمايتها سنة وفرض..

فى سماها نسر

اسمه مصر..

علمك شمس الحرية

يرفر فى العالى

واليد عفية

نصيبى وعينى

يا حياتى ..
كل اللي فات
ماضى وانتهى
خاصمنى فيه زمانى
خلانى خاصمت
الدنيا كلها ..
أنا باعترف لك
لأول مرة أعيش
الدنيا واحسها
لأول مرة أحبها ..
حبك غير أحوالى
سامحت كثير
ودا لا كان طبعى
ولا حالى ..
دنيا غرامك
حضنت آمالى

لفتني دفتني

أنا قلت " هنيالي "

★ ★ ★

أنا باعترف لك يا حياتي

من أول طلة

شفت ف عيونك حنية

دوبتني فرحتني

شفت سماي زرقا مصفية

غنيت لك غنوة فرايحية

" هي دي هي .. نصيبي وعيني "

ليه بنحاولي تجرحي؟!

حياتي

أنا باعفيكِ

لا تصرحي .. ولا تلمحي

يكفيني إنك تسرحي

لكن أرجوكِ .. لا تجرحي

جرح المشاعر عمره ما ينمحي

★ ★ ★

حياتي

أنا راضي كدا ومبسوط

بأوهامي .. وأحلامي

ويكفيني

أشوفك وجه صبح

وتصبحي

★ ★ ★

حياتي

أنا طبعي الصراحة

طبعي الوضوح
كلمة منك .. نظرة منك
تداويني من آلام وجروح
ليه بتحاولي تجرحي ؟
طب ممكن تسمحي
أمشي .. أروح ؟
و نفترق بكرة
أو ورا بكرة
لكني باحضن الذكري
وعلى فكرة
باقولها لك .. أول وتاني
وما باستحي
إحسبي
إجمعي
إطرحي
والناتج .. صدقيني
طيفي وملمحي !

مصر يا حبيبي

انتِ فين ؟ وانا فين ؟

دا اللي بيننا سنين سنين

وشك وش الصبحية

كان يملا الدنيا علي

حب وزقرقة

نظرة عينيك بجنية

حبيبة متمعشقة

★ ★ ★

مصر يا حبيبي

صديقيني انتِ لسه

جوة قلبي ومتربعة

وعمري ما أقدر أكرهك

أو أشوفك متفرعة

أرجوك .. ليه السكات؟!

مشوار طويل مشيناه سوا

أنا وانتِ والهوى

كنت أنا العليل

وانتِ الدوا

ياااه .. كنا بحالات ..

طب والعضم اللي ف أرضك

والرفات

وأحزان الأمهات

وجروح الآهات..

يااه كانت أحلى يوميات

برغم ما فيها

من حب وضحك وشقا

فَرَح وحن وآهات

مصر يا حبيبتي ..

أرجوك :

ردي علي .. جاوبيني بقى !

سلامات يا روعي سلامات

سكة سفر

كتاب مقفول
خطوة خطوة وياي
ومستعصي على الفهم
عجيب أمره
بيتبعني كما ظلي
ووقت الجد
ليه صفحة لها نمره
ساعتها بس
بنقرا في تفاصيلها
وما نقلب نجيب غيرها ..
كتاب مقفول وبعناية
روح القدر فيه آية ..
نهلل ونكبر
نشوف فيها غاية
وتتلضم مواعظنا
فى دلالة ..

واحكي لي يا مراية

زمني ضدي والا معاً

★ ★ ★

سكة سفر

مرغوبة ممنوعة ع الأحاب

سطورها

تملا ألف كتاب

ونقراك .. ندور جواك

ما نفهمشي إيه الاسباب

تتوه فيك خطاويننا

تبكينا .. تداويننا

سؤالك صعب

ماله جواب

★ ★ ★

كتاب مستعصي

على فهمي وعلى قرايتي

أسافر والا ما اسافرشي

دا نصيبي والا ما يمكنشي

طب ممكن تيجي وياي

كتابنا قصة ورواية

سطور منقوشة جواي

بعمر الكون..

وأحزم شنطتي وأمري

والم هدومي

واقول " قومي "!

سفرنا جاني فى ميعاده

ولا بخاطري وضيق حالي

لكن حسيتك نكرتيني

وانا سطر فى الموال!

واسافر وحدي وافوتك

وتقريني

وابكيك .. وتبكيني

وعشرة سنين..

وهل معقول هتنسيني

يا شابكة عمري وياك

وحروف اسمك أرددها

ودنياك هتحلابي

وتصفى تروق

تلاقى عمرك الثاني

ماهوش مسروق

وفجأة ..

تشوف خيال مخنوق

وتصحى تفوق..

واعود لك ثاني يا هواي

تقابليني بغمزة عين

وأسجد ع التراب لله

وابوس الطين!

من حقنا

سنين وايام
عاشين في دوامة
ما نعرف ليه؟
وازاي وبكام؟
سنين وايام
نحلف بأمجادها
ونسف فى ترابها
واحنا أحبابها وخطابها
سنين عذاب مرة
دافنين فرحتنا
فى قلوبنا
والهم مالي جيوبنا
سكك مقفولة بالمتاريس
حراسها بشر أباليس
ولا مرة
تفتح لنا الأبواب
* * *

من حقنا دنيا صافية
من غير وحوش
من غير رتوش
من حقنا نهد العروش
العروش المفترية
اللي ضيعت أيامنا
فاشوش

★ ★ ★

من حقنا
نزوح الغمة بإيدينا
نكسر رياح الخراب
نطوي أيام العذاب
نغني مع الصحبة والأحباب
أغاني الفرحة واللمة ..
وننسي كلمة آه
ونقول " الله "
للأيام الجاية
وغنوتنا فرايحية

باحبك ليه ؟!

سنيني طوال
و متلهف على شروقك
وكاوياني بنار شوقك
وانا صبري طويل البال ..
أقول يمكن هتصفي لي
وأقوم م النوم ألاقيك
فردت لي جناحاتك
أخذتيني في أحضانك ..
ودايماً سارقة أيامي
وداهسة كل أحلامي
بنكرانك وطوفانك ..
وانا مشتاق ..
عصير روعي شربته مرار
في هجرانك ..
وأتمنى
تضميني .. تواسيني ..
وأرجع لك

تصديني .. تجافيني ..

وفى بعدك

تشديني .. تناديني ..

زنقتيني فى خانة اليك

مليتيني بجمول الشك

فى هجرانك ونكرانك ..

حاصرتيني

بملاعينك وحُراسك ..

سقيتيني مرار كاسك

★ ★ ★

باحبك ليه

ما نيش عارف !؟

ولا قادر أكون عازف

تكوني قدري ونصيبي

ونبضي يجري جواك ..

واعانديك لاجل افوق منك

تخايليني .. تناديني

" حبيبي "

أنجذب تاني لبحر هواك

دنيا لخبطة

شُعرا كثير كتبوا شخبطة

أنا قلت يا واد

أكتب لخبطة

ولخبطتنا دي

دنيا البيانولا

دنيا طيور العشة

وكُباراتها أبالسة

متفصلين ع المخرطة

دنيا مزبلة ومشعوظة

شفظوها ولاد المزرغة

فرخة رومية مقطقطة

منفوش ريشها وملعلطة

ماشية وف إيديها

ديك البرابر " أبو عطا "

و " ابو عطا " شاخ

فيه الوتر وانبطى ..

والرومية ما بقتش مزبطة

ودنيا البرابر آهي حلوة

ومتروشة

حواليهم كتاكيت

متزفلطة ومتلعبطة

الكتكوت أبو ريش منفوش

حياته ع النعمة مزبطة ..

سيخ جدران العشة

ودا مين يهشه

عيونه كحيلة

وكاشف وشه

والعشة جدرانها

طيور فيها كتير

مصلوبة عليها ومتشعبطة

★ ★ ★

تعالى وشوف

دنيا البيانولا

دنيا طيور العشة
دنيا مزبلة وملخبطة
كتاكت فيها تلاقيا
رياشها منفوشة ومنقطة
تحابي وتكاكي
وتدهن ريش الرومية المتحفظة
وتملا العشة غنا وزغرطة
وطيور العشة الهلافت
متعفرنة
حياتها ذل ومرمطة
ويوماتي معيطة ..
الأكل ديشيش " أبو عطا "
واللبس دا خيش
لزوم المرمطة ..
والعشة ضاقت نواحيها
ومن كتر الدبح ف هلافتها
فاحت نجاستها
والدنيا ما بقتش مزبطة ..

شبت في العشة حريقة

وبقدرة قادر

أبالستها طاهرة بريئة!

عارفين قوانين المضبطة ..

وهلافيت العشة

أهم عايشين

والسما صافية ملعلطة

والبرسيم تاني هنجشه ..

وأهي دنيا البيانولا

دنيا آخر لخبطة

طلعة نهار

انتظرتك كثير
ودبحني الانتظار..
انتظرتك تجيني
طلعة نهار
بنتفة أمل في دنيا
هواها مرار ..
عشقتك سنين
محبة وحنين
ولهفة وأنين
أنين في السكات
فحيح في الأهات
ومن كتر المواجع
لقيتني باراجع
تاريخي اللعين ..
ذُل وهوان
في عمري اللي راح
وبكرة اللي جاي
محاوطه الديدان ..
طويت الزمان
هجرت المكان
ناديت الأمان ..

هجرتك فى لحظة جنون

هجرتك سنين..

حياتي رتيبة

فى قهر وسكون

رسايلك تجيني ..

يا مصر الحبيبة

ولادك فاتوك

فى وقت الجراح

بتنزف آهات ..

ركبت الرياح

وعدت لك

يا عمري وحناني

أنا وكل خلاني

بأيدين عفية دافية

وبسمة حلوة صافية

نزيع البوار

خلينا الفجر لاح

مشينا للعمل

ونفوسنا يملأها الأمل

نبدرها فَرَح وخضار

وبأيدينا أحلى

طلعة نهار!

مصر حروف مضبنة

مصر شجرة عتيقة

ترابها ليها جذور

مصر عقد لولي

حباته حروف

تشع نور

★ ★ ★

(م)

مزرعة آمال

لبكره اللي جاي

زراعها رجال

يجتروا تاريخ طويل

عمره

ما كان أطلال ..

ما يهزهم ريح

ولا فقر ولا كتر مال ..

يقهروا المحال

★ ★ ★

(ص)

صبر الدنيا

فى أهلها وناسها

صبر ع البلا

والحرمان م الضي
صبر ع الحرمان
من شربة أو رغيف
ومن آلام الصبر
تسمع للأحزان حفيف..
والصبر يعقبه فرج
طوفان بشر
يهرسوا أنجاسها ..
ويرفعوا رايات النصر
ومصرنا تزيد أعراسها

★ ★ ★

(ر)

رحمة ربنا بمصرنا
أرض مباركة
عاش فيها أكثر من نبي
وداسها بقدمه الشريف ..
وبأمر من رب العالمين
لكل الدنيا والأجناس
استعيذوا م الخناس
"إدخلوا مصرَ إن شاء اللهُ آمينين"

ما أحلك يا مصر

القوة ف عزيزتك
وف إيمانك
شايقة الخطر بعينيك
وسامعة بودانك
ولا واحد م الخلق حس
والعقل صابه مس
نادت مصر
" سمع هس "
الكل يسمع النداء
وما في همس
ندا بكرة وأمس!
ييصحى النيام
ننسى الملام
ويموت الخصام
والصفوف تترص ..
والذكريات الحلوة
تيجي هالة علينا
إن رحنا والا جينا
مسلم أو مسيحي
دم واحد
سني والا شيعي

ديننا واحد
والصورة مش باهتة وضلام
حتى واحنا فى المنام
العيبة فينا احنا
احنا فى اللمة وحدة
والوحدة هي دوانا
* * *
ما أحلاك يا مصر
وكل العرب حواليك
وشعلة النور راية بإيديك
فتحت البيبان للنور
يهل من تاني
تكبر فينا الأمانى
والحياة تجري فى الشريان
والخطوة تجمعنا
والكلمة للريان
صوت قوي رنان
ليها بين الخلايق معنى..
وتطلع يا ما احلى نورها
شمس العرب
أمان

أتمنيك بكل جوارحي

يوم ما تقابلنا

وسمعت شرحي

نظرة منك .. بسمه منك

غمز لي قلبي .. أحلامنا شابة

أنا قلت " وعدي "

أشواق محبة جمعت ما بيننا

ندت قلبي " يا قلبي هدي "

دنياك عجيبة

نجمة بعيدة

نجمة قريبة

شعاع دي خمري

وشعاع دي فضي

★ ★ ★

أتمنيتك بكل جوارحي

شربنا كأس المحبة

حبة بحبة

حلقنا فوق بحلم وردى

صدمننا فوق مطب جوى!

عند وتحدى!

نزلنا نجري

أميرتى داخت

م الصدمة تاهت

دمعتها ساحت

★ ★ ★

اتمنىتك بكل جوارحى

قصتنا قصة

وانتِ فيها .. فرحى وجرحى

احنا يا ابني مسلمين

نعصي نخطي
فى النهاية لينا دين
واحنا بجبال السما
متعلقين
نفلت نضيع
ضياح مهين ..
والجميع جاي له دعوة
على قدر الاجتهاد
والدعوة من رب العباد ..
كل يوم يطلع صباح
واحنا فى راحة بال وانسراح
تبقى دنيانا صافية
ما فيها سواد..
يا ابني
ربنا أعطانا روثة
نمشي عليها
نرتاح .. ونعيش سالمين
دي حكمته
وصى بيها المؤمنين
ربنا يعفو ويغفر
واحنا فى ذلة نستكين

وبرقابنا خاضعين ..

فلسفتنا ضيعتنا

مين وازاي وليه ؟

يبقى وعد منه لنا

عذاب مهين

★ ★ ★

يا ابني

أصحاب السوء

والفكر الهجين

شوية ليه ؟ .. شوية فين ؟

وشوية دين ؟

يبقى ضعنا

ولبسنا توب ملحدين

يبقى لبسنا ف حيطرة سد

صرنا مداس لفقہ البني آدمين

نستحل ونحرم بهوانا

ما انت شايف في المراية

فكر داعش والغواية

تبقى آخرة زفت طين

★ ★ ★

احنا يا ابني مسلمين

اهدا حبة وحبتين

وادخل في دنيا الطائعين

★★★

أهلاً رمضان

شهر الصوم والقرآن

م السنة للسنة نستنى

ونتمنى

بركاتك تفضل بيننا

ويوم ما بتوصل وتجينا

الفرحة تضوي عينينا

نور وإيمان ..

ومساجدنا تنور بالصلوات

والذكر والحلقات

أنفاسها طاعات

وموايدنا ممدودة بالخيرات

★ ★ ★

أهلاً رمضان

نفحاتك ريحها من الجنة

ع الجامع رايعين جايين

وصلاة التراويح

بتروح عنا
وملايكة الرحمن
وسطينا وبيننا ..
فيك الحسنه بعشرة وزيادة
وصيامنا تقوى مش عادة ..
وندعي يارب اهدينا
ولطاعتك ثبت خطاويننا
وختام الشهر العيد
نسعد .. نفرح .. نتهنى
ووراه الستة البيض
صيامها من السنة
والتوبة للفايزين
ويا سعد الصائمين
بالطاعة والجنة

هات لي أحلى زهرة

أهديها لأحلى مُهرة

اليوم عيد ميلادها

وانا معها فى سهرة

نطفي أحلى شمعة

نتألم ع اللي فاتنا

ونتوج حبنا

★ ★ ★

هات لي أحلى زهرة

أهديها لأحلى مُهرة

جموحة .. روحها طاهرة

بَادِل في حبها

وليها غَمَازة ظاهرة

بتنور خدها

تضحك .. دُنْيَانَا تصفى

مين في الدنيا زيها

جمال وأناقة وشُهرة

وانا فزت بقلبها
واليوم عيد نُقانا
والناس شهود هوانا
والدنيا كلها

★ ★ ★

هات لي أحلى زهرة
أهديها لأحلى مُهرة
اليوم عيد ميلادها

Happy Perth Day to you

السيرة الذاتية

الاسم: محمد عبد الحكيم السيد كُليب

اسم الشهرة: محمد كُليب

مواليد القاهرة - جمهورية مصر العربية

عضو بجمعية دار الأدباء

شارك في العديد من الأمسيات الشعرية بمختلف محافظات مصر

شارك في العديد من فعاليات المتحف المصري بالقاهرة

يكتب وينشر قصائده بالكثير من المواقع الأدبية على الانترنت

★★ صدر للشاعر

تُرَابِكُ يَا مِصْرَ - شعر عامية - ٢٠١٠

صباح الخير يا وطن - شعر عامية - ٢٠١٤

طلعة نهار - شعر عامية - ٢٠١٥

★★ تحت الطبع:

أهلاً ببكرة
شعر عامية

★★ للتواصل مع الشاعر

Mohamed_kaleab@yahoo.com

حساب الفيس بوك

Mohammed Koleeb

الفهرس

- ٧- تحيا مصر ٧
- ٩- تعظيم سلام ٩
- ١١- أحلامنا ممكنة ١١
- ١٣- بلدنا مجروحة ١٣
- ١٥- يا مصر بنحبك ١٥
- ١٩- مصر أهم ١٩
- ٢١- شهيدنا عارف سكته ٢١
- ٢٣- إوعاك يا أم الدنيا ٢٣
- ٢٥- إرهابي ٢٥
- ٢٧- أمي وحشتيني ٢٧
- ٣١- ثلاثين سنة ٣١
- ٣٣- ليلة ٣٣
- ٣٥- انتِ شراعي ومركبي ٣٥
- ٣٧- الهوى غلاب ٣٧
- ٣٩- عفاريت الأسفلت ٣٩
- ٤١- بكرة أحلى م النهاردة ٤١
- ٤٣- علمك شمس الحرية ٤٣
- ٤٥- نصيبي وعيني ٤٥
- ٤٧- ليه بتحاولي تجرحي ٤٧
- ٤٩- مصر يا حبييتي ٤٩
- ٥١- سكة سفر ٥١
- ٥٥- من حقنا ٥٥

- ٢٣- باحبك ليه ٥٧
- ٢٤- دنيا الخبطة ٥٩
- ٢٥- طلعة نهار ٦٣
- ٢٦- مصر حروف مضيئة ٦٥
- ٢٧- ما احلاك يا مصر ٦٧
- ٢٨- اتمنيك بكل جوارحي ٦٩
- ٢٩- احنا يا ابني مسلمين ٧١
- ٣٠- أهلاً رمضان ٧٣
- ٣١- هات لي أحلى زهرة ٧٥

